



24. marts 2009

Inatsisartut suleriaasiat § 36 imm. 1 naapertorlugu, apeqqut ataani allassimasoq Naalakkersuisunut saqqummiuppara.

**Kangaatsiami, Ikerasaarsunni Niaqornaarsunnilu Royal Greenland-ip tunisassiorfiutaasa siunissaat pillugu Naalakkersuisut qanoq iluarsiniarlarsaarpat ?**

(Inatsisartunut ilaasortaq Otto Jeremiassen, Siumut.)

**Apeqqutit:**

Aalisartunut innuttaasunullumi tamanut aningaasarsiornikkut suliffissaqarnikkullu isumalluutituaasut Kangaatsiami, Ikerasaarsunni Niaqornaarsunnilu Royal Greenland-ip tunisassiorfiutaasa maanna piffissami sivitsulersumi matuneqarnerminiit ullumikkumut sulii qanoq iliortoqarniarnersoq paasissutissiissutigineqanngilaq, tamanna assut Kommuneqarfitsinni ilungersunartorsiorfitsivoq paattuugasitsillunilu, tassami aalisartut ulloq manna tikillungu aningaasarsiorfingisinnaasaannik ilumut qanoq ingerlariaqqittoqarniarnersoq allaat nalunarluni, inuillu pineqartut ullut atuuffiusut ingerlaneranni aningaasamik pisariaqartitsigaluttuinnarnerat malunnarsiartorluni, tassami upernariartornera malillugu aalisakkallu takkussimaariartorneranni aalisartut piareersarnissaminnut iliuuseqarusukkaluarlutik qanoq pisoqarniarnersoq naalaaginnaleqqavaat:

- Tassami tunisassiorfiit pillugit suleqatigiisitaq suliaqartoq oqaatigineqartarpoq, taannalu qanoq sivisutigisumik ingerlanniarneqarnerpa ?
- Suut qanoq iliuusissat siunnerfiuppat ?
- Tunisassiorfiit matoqqatiinnarniarneqarpat, imaluunniit ammaqinnissaat siunertaangaluarpa ? ullunimi makkunani suliffeqarfimmi atortut piiarneqarlutik ilaat aallarartinneqarmata.
- Kiisalu tunisassiorfiit matuneqarnerisa kingunerisaanik sulisartut suliffeerupput,

Taamaammatt § 36 imm. 1 naapertorlugu apeqquteqaat manna ingerlatippara, piaartumillu akineqarnissara neriutugalugu.

Ikinngutinnersumik inuulluaqqusillunga

Inatsisartuni ilaasortaq

Otto Jeremiassen, Siumut